



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
praxim accommodatas

**Archdekin, Richard**

**Antverpiæ, 1682**

Caput 2. De Approbatione Confessarij.

**urn:nbn:de:hbz:466:1-40873**

210 Pars 3. tract. 2. cap. 1. De Iurisdictione &c.  
aliqua restrictione ad casus necessitatis, vel de-  
pendentia ab illis, sed æqualiter.

Et §. 2. ut nullus ex sæcularibus Sacerdoti-  
bus aliquem Regularium, neque aliquis Regu-  
larium aliquem Sacerdotum sæcularium in ob-  
cundis muniis Ecclesiasticis vel administrandis  
Sacramentis impediatur, sed pariter mutuo amo-  
re concurrant in salutem animarum procuran-  
dam. apud Veyss. f. 47.

Sic enim Pastores annuent Regularibus tan-  
quam sociis, ut mutuâ ope trahant secum A-  
postolicum rete ad salutem animarum in pro-  
celloso Missionum mari expansum, sed sedulo  
cavendum ne hoc rete ullibi per trahentium dis-  
cordiam rumpatur.

## CAPUT II.

### De Approbatione Confessarii.

1. **C**onstat ex Trid. Sess. 23. cap. 15. de re-  
form. Approbationem Ordinarii requiri  
in Sacerdote, ut validè possit audire Confessio-  
nes sæcularium; etiam Sacerdotum, non ta-  
men Regularium: possunt enim hi confiteri cui-  
vis Sacerdoti, etiam non approbato, quem  
Prælati illis secundùm leges sui Ordinis consti-  
tuit. Quia cùm Tridentinum de solis Sæculari-  
bus mentionem faciat, non censetur in hoc cir-  
ca Regulares aliquid innovasse.
2. Qui constituitur Parochus, aut obtinet  
beneficium, cui animarum cura annexa est,  
non indiget aliâ Approbatione. Si tamen Pa-  
rochus Officium illud aut beneficium reliquit,  
non poterit sine nova Approbatione Confessio-  
nes excipere.
3. Non



3. Non licet Episcopo Sacerdoti idoneo sine  
iusta causa Approbationem denegare, *Vasq-  
Bonac. Sanc. Lugo.* Ratio est, quia *Approbatio* non  
est gratia arbitraria, sed est testificatio authen-  
tica de aptitudine personæ, ut illi ad Confessio-  
nes audiendas iurisdictio conferatur; ergo cum  
Sacerdotes ad illud munus sint ordinati, non  
possunt sine injuria ab eo repelli, si debitâ do-  
ctrinâ, & prudentiâ instructi inveniantur.

4. Si tamen Sacerdos idoneus etiam injustè  
reprobatus fuerit, non potest validè à peccatis  
absolvere. Quia negatio injusta Approbationis  
non est Approbatio, Tridentinum autem ad  
validam à mortalibus absolutionem Ordinarij  
Approbationem requirit, *non obstantibus*; inquit  
*Privilegiis.*

5. Decent tamen Theologi non pauci, ut  
*Navar. Laym. Diana Episc.* Si Regulares manifestè  
idonei repellantur, posse nihilominus ex vi Cle-  
mentinæ §. *Statuimus*, ad Confessiones audien-  
das exponi. Quia clausulâ derogatoriâ generali  
(qualis est illa Tridentini) non tollitur privile-  
gium speciale clausum in corpore juris, si ob  
specialem rationem exceptum videri possit, de  
quo fusiùs *Diana tom. 2. t. 2. r. 24.* Derogatio-  
nem Urbani VIII. in oppositum annotat Lugo  
de pan. disp. 22. n. 29. Et quoad confessionem  
Paschalem id reprobatur Alex. VII. in prop. 13.  
Ex cujus reprobatione sequitur etiam, juxta di-  
ctâ part. 3. tract. 1. quæst. 18. in fine, talem  
Regularem tempore paschali non posse exponi  
ad audiendum sæcularium Confessiones.

6. Potest Episcopus, si clara & iusta subsit  
causa, Approbationem semel à se concessam  
revocare, aut si res id postulat novum Sacer-  
dotis approbati examen instituire. Quia jus ha-  
bet.



212 Pars 3. tract. 2. cap. 2. De Approbatione Conf.  
bet, ut animarum sibi commissarum saluti se-  
curius consulat. *Suar. Lugo &c. de quo supra*  
*tr. 1. q. 17.*

7. Regulares debent approbari ab Episcopo  
loci, in quo degunt. Quia quoad hunc actum  
illius subditi censentur.

8. Cùm Approbatio non sit actus Ordinis,  
Episcopus potest illam conferre per Vicarium,  
vel alium quemvis deputatum.

9. Examen in ordine ad Approbationem non  
est absolutè necessarium, modò aliundè de Sa-  
cerdotis aptitudine ad Confessiones audiendas  
prudens iudicium formari possit.

10. Approbatio concedi potest cum restri-  
ctione ad certum genus personarum, certum  
locum, & tempus, quando iusta causa occur-  
rit, etsi id neget *Vega*.

11. Non videtur modò probabile ab uno E-  
piscopo approbatum, in quavis alia Dioecesi  
sine novâ Approbatione validè absolvere. De-  
cretum Urbani VIII. in oppositum extat apud  
*Card. Lugo de penit. disp. 21. sect. 2. num. 29.* Non  
enim tenetur Episcopus stare iudicio cuiusvis  
alterius Ordinarii pro sua Dioecesi, in qua pos-  
sunt esse difficultates aliis non communes. Si ta-  
men Episcopus tantum ostendat se esse conten-  
tum aliorum Approbatione, Sacerdos aliâ non  
indigebit; sin minus, invalidè absolvet. De  
hoc plura supra part. 3. tr. 1. quæst. 17.

QUÆRITUR porrò pro Missionariis: An Pa-  
rochus, aut alius, ob magnum populi ad se  
concursum, possit ad audiendas Confessiones  
sibi adsciscere aliam Sacerdotem non approba-  
tum?

Respondeo negativè, uti docet *Sancius, Fe-  
gund. aliique* ex declaratione *Card. Quamvis con-*  
*trarium*



Part 3. tract 2. cap. 2. De Approbatione Conf. 213  
trarium tradant nonnulli cum *Ledasma*, apud  
*Dianam* p. 3. tr. 4. resol. 146. Possunt tamen alios  
Parochos in cooperatores advocare.

*Formula* Approbationis quando in scriptis  
conceditur hæc ferè esse solet. N. Dei & Apo-  
stolicæ Sedis gratia Episcopus Diocesis N. Di-  
lecto nobis in Christo (*nominatur approbandus*) sa-  
lutem in Domino. Ut per Diocesim nostram,  
de consensu eorum quorum interest, Verbum  
Dei prædicare, ac Christi fidelium Confessio-  
nes excipere, eosque mediante salutari peni-  
tentiâ in foro conscientie à peccatis suis (*additur*  
*aliquando*) etiam à casibus nobis reservatis, ab-  
solvere liberè ac licitè possis, & valeas, Tibi  
facultatem & licentiam per præsentem (*additur*  
*aliquando*) ad revocationem nostram duraturas,  
concedimus, & elargimur. Datum &c. addito  
sigillo, nomine Ordinarii, & Secretarii.

### CAPUT III.

*De impedimentis Absolutionis per Reservationem,  
& Censuram &c.*

**S**cire debet quis Sacerdos tam secularis  
quam regularis, etsi sit approbatus, &  
ad audiendas Confessiones legitimè expositus,  
variâ esse peccata mortalia, à quibus non possit  
absolvere ratione Censuræ, aut reservationis  
annexæ. Tenetur proindè Sacerdos antequam  
Confessarii munus exerceat, sibi comparare no-  
titiâ talium peccatorum, censurarum, ac re-  
servationum: & in promptu habere præxim in-  
illis penitentem dirigendi, & ad alium pro Ab-  
solutione remittendi: quæ omnia in ejus com-  
modum